



## Ráiteas Sábháilteachta

2022/2023

Is mian le Bord Bainistíochta Scoil Chualann (an Bord thíos) foireann na scoile a chur ar an eolas maidir leis na socruithe seo leanas a bhaineann le sábháilteacht, le sláinte agus le sochar iad siúd ar fad atá ag obair sa scoil.

Is gá go bhfaigheadh an polasaí tacaíocht ó gach fostaí. Déanfar é a athbhreithniú go bliantúil nó níos minicí más gá, ag brath ar thaithí, ar athruithe sa dlí, nó ar chleachtadh oibre. Déanfaidh Oifigí Sláinte an Bhoird (OSB thíos) iniúchadh bliantúil agus cuirfear cuntas ar fáil don bhfoireann. Déanfar monatóireacht ar na cuntais ar thimpistí lena chinntiú go bhfuil gach iarracht á dhéanamh le timpistí a sheachaint.

Chomh fada agus is féidir ba mhaith leis an mBord a chinntiú

- Go bhfuil leagan amach gach cuid den scoil slán sábháilte agus gan bhaol sláinte.
- Go bhfuil na bealaí isteach agus amach sábháilte.
- Go mbaintear úsáid shábháilte chomh fada agus is féidir é as trealamh agus innealra.
- Go bhfuil modhanna oibre slán agus gan bhaol do shláinte.
- Nach bhfuil aon bhaol sláinte nó sábháilteachta dóibh siúd atá ag obair sa scoil chomh fada agus is féidir.
- Go gcuirfear éadach cosanta ar fáil más cuí
- Go réiteofar agus go gcloífear le pleananna éigeandála
- Go leasófar an ráiteas seo de réir mar is cuí agus go ndéanfaidh an Bord é a scrúdú uair sa bhliain ar a laghad.
- Go rachfar i gcomhairle le fostaithe maidir le cúrsaí sláinte agus sábháilteachta.
- Go n-ainmneofar ball den bhfoireann mar Oifigeach Sábháilteachta (OSF thíos).

Aithníonn an Bord go bhfuil dualgas dlíthiúil aige i leith fostaithe, daltaí, agus d'aon duine a bhfuil gnó acu sa scoil, agus don phobail i gcoitinne. Déanfaidh an Bord cinnte de go gcloítear lena bhfuil leagtha amach in Acht Sábháilteacht, Sláinte agus Sochar ag Obair 2005 agus an Acht Ceimiceach:

**Freagrachtaí Fostaithe:** Is é freagracht gach fostaí agus iad ag obair:

- a) Cúram a ghlacadh i leith a s(h)ábháilteachta, a s(h)láinte agus a s(h)ochar féin agus éinne eile a bheadh i mbaol de bharr a c(h)uid faillí agus é/í ag obair.
- b) Co-oibriú lena f(h)ostóir agus le héinne eile, ionas gur féidir lena f(h)ostóir agus an duine eile cloí leis na dlí mar is cuí.
- c) Feidhm a úsáid as éadaí cosanta, trealamh nó rud ar bith eile a cuirtear ar fáil ar mhaithe lena s(h)ábháilteacht agus é/í ag obair.
- d) Tuairisc a thabhairt don Bhord gan mhoill a luaithe a thuigtear dó/dí aon trealamh nó súiomh oibre a bheith lochtach agus bhaolach ó thaobh sábháilteachta de.

Ní bhainfidh éinne mí-úsáid as trealamh, éadach cosanta, nó as rud ar bith eile a cuirtear ar fáil ar mhaithe le sábháilteacht agus daoine i mbun a gcuid oibre.

Ní mór d'fhostaithe cúram faoi leith a ghlacadh go ndéanann siad a gcuid oibre chomh sábháilte agus is féidir. (féach rannóg 9 Acht 1989).

**Plé agus Eolas:** Is é polasaí an Bhoird réiteach agus líonadh na bhfoirmeacha measúnú riosca a phlé leis an bhfoireann, cóipeanna a dháileadh ar an bhfoireann agus ina dhiaidh sin ar bhail nua foirne, agus baill foirne a chur ar an eolas maidir le haon eolas nó treoracha nua a bhaineann le sábháilteacht. Beidh sláinte, sábháilteacht agus sochar mar chuid de thraenáil agus forbairt foirne as seo amach.

**Contúirtí:** Roinnfear iad seo i ndá chatagóir. Iad siúd ar féidir a réiteach láithreach agus iad siúd nach féidir a réiteach láithreach, a liostáiltear agus a gcuirfear modhanna len iad a réiteach taobh leo. Déanfar iarracht, chomh fada agus is féidir é, féil réidh le gach contúirt.

### **Tine**

Is é polasaí an Bhoird a chinntiú go mbeidh a ndóthain múchtóirí tine ar fáil agus iad in oiriúint don sórt tine a tharlódh sa láthair faoi leith ina bhfuil suite, agus go bhfuil siad ag feidhmiú mar is ceart agus go bhfuil treoracha len a n-oibriú scríofa orthu.

- i. Go gcinnteoidh an príomhoide go mbeidh druil tine uair sa téarma.
- ii. Go mbeidh aláram thine marcáilte go soiléir (OSB)
- iii. Go mbeadh comharthaí feiceálach ionas go bhfeicfidh chuirteoirí na bealaí éalaithe (OSF)
- iv. Go gcoinneofar doirse agus pasáistí gan bac agus in oscailte i gcónaí.
- v. Go dtaispeánfar ar phlean den scoil na háiteanna cruinnithe taobh amuigh.
- vi. Go múchtar plocóidí na soicéid gach tráthnóna. Baintear fearas leictreach ó na soicéid thar laethanta saoire. Na múinteoirí le bheith freagrach as a seomraí féin, na rúnaí freagrach as an oifig, an foireann i gcoitinn as an chistin agus seomra na foirne. Glantóirí le seiceáil sa tráthnóna.
- vii. Go gcuirfear i bhfeidhm aon moltaí eile a mholann an Oifigeach Tine.

**Contúirtí Eile:** Dar leis an Bord, d'fhéadfadh baol a bheith ag baint leo seo leanas:

1. Urláir fliucha/snasta
2. Sreanga
3. Ríomhairí
4. Gilitín
5. Cóifrín fiúsanna
6. Cítíl agus fearas cistine eile
7. Urláir fhliucha/snasta
8. Doirse
9. Teach an ghaileadáin
10. Dréimirí
11. Cófraí srl a ghobann amach
12. Stór seachtrach faoi ghlas
13. An halla scoile
14. Séid taobh amuigh
15. Dúnphoill
16. Sioc ar dhromchla an chlóis lá fuar
17. Mataí sna pasáistí
18. Fuinneoga íochtaracha ar oscailt

Le laghdú ar an mbaol a bhaineann leis na contúirtí seo ní mór d'fhostaithe cloí le cleachtais shábháilteachta.

- a) Baill foirne atá cáilithe le trealamh a úsáid amháin a cheadaítear dul ag plé leis. Gheobhaidh éinne eile a bhéas ag plé le fearas, cóip den Ráiteas Sábháilteachta seo ón bPríomhoide sula dtosófar ar aon obair agus cloífidh sé/sí lena bhfuil leagtha amach ann
- b) Lena chois sin, is de réir treoracha na ndéantóirí a úsáidfear trealamh.
- c) Cinnteoidh an Bord, mas cui, go bhfaighidh baill foirne treoir maidir le húsáid trealaimh.
- d) Ní mór na cosaint cuí a bheith ar threalamh leictreach.
- e) Ní mór fógraí a bhaineann le sábháilteacht a bheith ar taispeáint mar is cuí

- f) Ní mór cúnamh ó dhuine eile le dréimire a úsáid.
- g) Seachnaítear buidéal ghloine agus glantar gloine briste láithreach.
- h) Cinntítear go bhfuil na hurláir glan, cothrom, neamhshleamhan agus bloghdhíonach (OSF agus OSB).
- i) Cinntítear go bhfuil an trealamh a bhaineann le corpoideachas i dtaisce go cúramach (OSF)
- j) Cinntítear go bhfuil na mataí corpoideachais in ord maith (OSF)
- k) Seiceáil bhliantúil le déanamh ar throsacán, ar na hurláir, ar fhearas (OSF)
- l) Seiceáil go bhfuil baill maith ar an dromchla taobh amuigh (OSF)
- m) Seiceáil go bhfuil an díon, píopaí srl coinnithe in ord mhaith (OSB)
- n) Seiceáil go bhfuil na dúnphoill slán (OSB)
- o) Seiceáil roimh ré go bhfuil gach láthair spraoi glan agus saor ó ghloine.
- p) Seiceáil go bhfuil na soilse taobh amuigh ag obair agus go bhfuil a ndóthain dóibh ann (OSB agus OSF).
- q) Seiceáil go bhfuil trealamh a bhaineann le glantóirí/tógálaithe curtha i dtaisce go cúramach agus glas air má tá sé i stór seachtrach. (OSF agus OSB)
- r) Seiceáil go dtógtar an bruscar on bhfoirgneamh gach lá agus go stóráiltear go cúramach é taobh amuigh (Glantóir)

**Trealamh Leictreach:** Is é polasaí an Bhoird gur baill foirne atá cáilithe len iad a úsáid amháin a cheadaítear dul ag plé le hinnealra, le fearas cistine nó le trealamh leictreach. Déanfar na rudaí seo a sheiceáil go tráth rialta.

Sula n-úsáidtear aon ghléas leictreach féachtar chuige:

- Go bhfuil cosaint sábháilteachta ag feidhmiú mar ba cheart.
- Go bhfuil na cáblaí/sreanga in ord maith, gan bheith caite, stróicthe srl
- Go bhfuil na plocóidí in ord maith agus na fiúsanna cuí in úsáid.
- Go bhfuil treoirilnte an Údaráis um Shláinte agus Sábháilteachta á leanacht.

**Ceimicí:** Is é polasaí an Bhoird go stóráiltear ceimicí - dúch, ábhar glanadh srl, sna hárthaigh chúí, marcáilte go soiléir agus faoi ghlas, agus go n-úsáidtear an chosaint is gá agus iad in úsáid. (Glantóir/Rúnaí/ Príomhoide)

**Drugaí agus Cógais Leighis:** Is é polasaí an Bhoird go gcoinnítear drugaí agus cógais leighis faoi ghlas san oifig, agus cead ag daoine údarásaithe amháin teacht orthu.

**Sochar Foirne agus Daltaí:** Ar mhaithe le sochar na foirne agus na ndaltaí tá leithris agus cistin ar fáil agus seomra foirne don Lón agus don bhriseadh tae agus tá sé mar chúram ar an bhfoireann an seomra foirne agus an chistin a choinneáil glan néata.

Chuige seo is gá go mbeadh a ndóthain uisce te, gallúnach (i bhfoirm leachta) agus tuáillí ar fáil, chomh maith le deis fáil réidh le bruscar mar is cuí.

Meabhraítear don bhfoireann agus do na daltaí:

- a) Má tá duine istigh ag obair ar theastas sláinte ní mór dí/dó an scoil a chur ar an eolas má tá baol ann nach mbeidh sí/sé in ann a c(h)uid oibre a dhéanamh mar is gnáth gan a sláinte féin, a gcomhleacaithe nó na ndaltaí a chur i mbaol agus laghdófar ar a gcúraimí go dtagann biseach orthu.
- b) Ní cheadaítear do bhaill foirne ná do dhaltaí teacht chun na scoile agus ól nó drugaí ag oibriú orthu. Déanfar aon duine a bhriseann an riail seo chuir faoi smacht.

**Urláir Fliucha/Snasta:** Is é polasaí an Bhoird go ndéanfar gach iarracht gan aon urlár a fhágáil sleamhain agus chuige seo, chomh fada agus is féidir é, is tar éis am scoile a déanfar na hurláir a ní. I rith uaireanta scoile moltar go n-úsáidfidís comharthaí rabhadh. Cuimhnítear freisin ar an mbaol sleamhnú taobh amuigh laethanta fuara.

**Tobac:** Is é polasaí an Bhoird, ar mhaithe le sláinte, gur limistéar saor ó thobac an scoil.

**Gloine Briste:** Is é polasaí an Bhoird go laghdófar an baol a bhaineann le gloine briste. Iarrtar ar bhail foirne an príomhoide a chur ar an eolas maidir le gloine briste ionas gur féidir é ghlanadh chomh luath agus is féidir.

**Aonaid Léirithe Físe (VDUs):** Is é polasaí an Bhoird go leanfar na treoirlínte sábháilteachta is suas chun dáta a leagtar síos maidir lena n-úsáid.

**Galair Thógálacha:** Is é polasaí an Bhoird go gcuirfear iad seo in iúl mar is cuí agus go ndéanfar gach iarracht daltaí agus foireann a chosaint óna leithéidí galair. Tá tábhacht dá réir ag baint le glaineacht agus le h-úsáid lámhainní a chaitear amach le glanadh agus le garchabhair.

**Garchabhair:** Is é polasaí an Bhoird go mbeidh oiliúint sa ngarchabhair ar roinnt baill foirne. Go mbeidh fógraí sa seomra foirne maidir le suíomh agus úsáid an bhosca garchabhair, le socruithe i gcás timpiste, uimhreacha dochtúirí, otharchairr, ospidéal, gardaí srl

Is gá cur síos láithreach sa Tuairisc ar Thimpistí Leabhar Timpistí ar gach eachtra agus más cuí ainm an Oifigigh a bhí freagrach as pé baol ónar eascair an eachtra faoi leith a lua sa ráiteas, ionas gur féidir cuntas leanúnach a choinneáil ar dhul chun na sábháilteachta sa scoile.

Maidir leis an mbosca garchabhair is iad seo na nithe ba cheart a bheith ann: Ciarsúr cuimilte gan alcól (ní bhaintear úsáid as bindealáin), na hunga faoi leith do chealg, do dhó, do ghearradh, do chúram na súl agus chomh maith leis sin, cairt garchabhrach.

**Tógálaithe:** Déanfar gach iarracht laghdú ar an gcur isteach ar obair na scoile, tré obair thorannach a dhéanamh taobh amuigh d'uaireanta scoile. Glacfaidh tógálaithe cúram gan daltaí ná foireann a chur i mbaol agus cuirfear fógraí timpeall le contúirtí a chur in iúl.

**Teacht agus Imeacht ón Scoil:** Iarrtar ar chuairoteoirí iad féin a chur in iúl don bPríomhoide/Rúnaí roimh dhul isteach dóibh. Ní mór cúram faoi leith a ghlacadh sna carr chlósanna agus na páistí á mbailiú nó á bhfágáil chun na scoile.

**Caomhnú Páistí:** Tá polasaí Chaomhnú Páistí againn i Scoil Chualann. Tá cóip tugtha do gach ball foirne agus tá na tuismitheoirí ar an eolas faoi freisin. Rinne athbhreithniú ar an bpolasaí i bhfómhar na bliana 2011. Glacadh le 'Treoirlínte agus Nósanna Imeachta na Roinne Oideachais agus Scileanna um Chosaint Leanáí 2011'.

Is í Michelle Ní Thuama, Príomhoide, an duine ainmnithe idirchaidrimh agus Aoife Ní Dhomhnaill, Príomhoide Tánaisteach, an leas-Duine Ainmnithe Idirchaidrimh. Múintear an Clár **Bí Sábháilte** mar chuid den chlár OSPS sa scoil.

**Cód Iompair:** Tá Cód Iompair scoile curtha i bhfeidhm i Scoil Chualann ar mhaithe le sábháilteacht. Minítear do na páistí gur ar mhaithe le sábháilteacht go mbíonn rialacha scoile againn. Síníonn na tuismitheoirí an cód nuair a ghlacann said le háit dá bpáistí sa scoil.

**Athbhreithniú ar an Ráiteas seo:** Déanfaidh an Bord athbhreithniú ar an ráiteas seo go tráthrialta de réir a dtaithe féin agus de réir riachtanais an Acht Shláinte agus Sábháilteachta 2005 agus an Údaráis um Shláinte agus Sábháilteachta.

### **Síniúcháin an Bhoird:**

Cathaoirleach:	Máire Uí Airmhighe	Dáta: 15.9.2022
Príomhoide:	Michelle Ní Thuama	Dáta: 15.9.2022
Oifigeach Sábháilteachta an Bhoird:	Aodh Ó Dubhda	Dáta: 15.9.2022
Oifigeach Sábháilteachta na Foirne:	Aoife Ní Dhomhnaill	Dáta: 15.9.2022

### **Baill Eile an Bhoird:**

Máire Uí Airmhighe, Sinéad Ní Mhaonaigh, Muiris Ó Suilleabháin, Áine Ní Dhufaigh, Aodh Ó Dubhda, Maura Ní Loinn, Brian Lambe, Michelle Ní Thuama

**Ráiteas Polasaí curtha le chéile ag baill an Bhoird i gcomhairle le tuismitheoirí agus le múinteoirí de réir Acht Shláinte agus Sábháilteachta agus Sochar ag Obair 2005.**